

赤水玄珠第十五卷目錄

秘結門

大小便不通

閉癰遺溺不禁辨

小便不通門

癰門

遺溺門

小便不禁門

溺赤

脫肛門

附截腸病

前陰諸疾門

疝門

赤水玄珠第十五卷

新安生生子孫一奎著輯

秘結門

經曰大便秘者腎之所主腎主五液也腎氣充則大便潤虛則津液耗竭而燥結矣又飢飽勞役損傷胃氣及食辛熱厚味之物而助火邪伏於血中煎熬真陰皆能使大便燥結又有年老陰血不足而燥者惟當補而潤之不可用峻利之劑又大便秘結者不得發汗汗則重亡津液必秘結而死矣

有陽結有陰結有風結有實結有虛結有氣秘有血秘仲景曰脈浮數能食不大便秘者此爲實名曰陽結也期十

七日當劇脈沉而遲不能食身體重大便反硬名曰陰結也期十四日當劇陽結者散之陰結者熱之風結者

諸藥中加羌活防風之類此二味雖是風藥然味辛所

以能潤燥也

經曰腎惡燥急食辛以潤之

潔古曰臟腑之秘不可一槩治療有虛秘有實秘胃實而秘者能食小便赤以麻仁丸七宣丸之類主之胃虛不能食而小便清利者厚朴湯主之實秘者物也虛秘者氣也

東垣曰有物有積而結者當下之食傷太陰腸滿食不化

腹嚮嚮然不能大便秘者以苦泄之

仲景麻仁丸局方七宣丸皆以大黃為君

之類治注夏大便瀉滯者血少血中伏火也黃耆人參是也

湯加生地當歸身桃仁泥潤之如潤之大便仍久不快者少加煨大黃微利之如加大黃久不快利者非血結血秘是熱生風止當服黃耆人參湯內用羌活防風各五錢水四盞煎至一盞空心服之其便必大走也

丹溪戒人用峻利但宜滋養陰血使孤陽之火不熾而金行清化木邪有制脾土清健而運行津液津液入胃則腸潤而通矣須知在西北以開結爲主在東南以潤燥爲主慎勿膠柱而調瑟也

上海藏云桃杏仁俱治大便秘當以血氣分之年老虛人大便秘脈浮在氣杏仁陳皮主之脈沉在血桃仁陳皮主之所以俱用陳皮者以其干陽明病與手太陰爲表

裏也

脈多沉伏而結 陽結脈沉實而數 陰結脈
伏而遲或結 老人虛人便結脈雀啄者不治

七宣丸

柴胡 枳實炒

訶子皮

木香各五兩

桃仁去皮尖炒六兩

甘草炙四兩 大黃麵包煨十五兩

右煉蜜丸桐子大每服二十

丸米飲下漸加四五十九以利為度

厚朴湯 胃虛而秘者不能飲食小便清利

陳皮 半夏炒 枳實炒各一兩 甘草炙 厚朴製各二兩 白朮三兩

每三五七錢羌三片棗一枚水煎服

保命集大黃牽牛散 相火之氣遊走臟腑大便秘結

大黃一兩 牽牛頭末五錢 為細末每三錢有厥冷合用酒調

無厥冷而手足煩熱者蜜湯調下食後以微利為度此謂不時而熱者濕熱也凡用大黃半兩至一兩而大便不通利者加射香少許調于藥中則大便必大走也

半碗丸 治年高虛秘冷秘 方見燥門

大潤腸丸 治大便秘澁通用

杏仁炒 枳殼 麻仁 陳皮各五錢 阿膠各二錢半 防風

右煉蜜丸梧子大每五十丸老人蘇子煎湯下壯者

荆芥湯下

麻仁丸 實秘能飲食小便赤此丸與七宣丸主之

枳殼 川芎等分 麻仁泥減半

煉蜜丸梧子大食前溫水服

又麻仁丸 風秘脾約症小便數大便秘

大黃 枳殼 赤芍藥 厚朴 麻仁
各一兩 各一兩 五錢

杏仁 煉蜜丸梧子大每服三五十丸
各一兩二味俱另研

皂角丸 治有風人大便秘澀

牙皂 枳殼 羌活 桑白皮 檳榔 杏仁

麻仁 防風 白芷 陳皮
等分

蜜丸梧子大每服三五十丸蜜湯下

皂角枳殼丸 大腸有風秘結老人宜服

皂角 枳殼
炙去皮子 炒各等分

蜜丸梧子大每七十九丸空心食前米飲下

搜風順氣丸 治大腸秘澀

大黃五兩半熟半生 山茱萸 麻仁泥 郁子仁炮去皮研

兔絲子 山藥 牛膝 煨榔各二兩 防風 枳殼

獨活各一兩 車前子二兩半 陳蜜丸 梧子大每二三十九

米飲下平旦臨臥各一服

二仁丸 治老人虛人風秘不可服大黃者妙

麻仁 杏仁 枳殼 訶子等分

蜜丸 梧子大每三十九丸溫水下未利增之

四磨湯 氣滯腹急大便秘澀

沉香 木香 檳榔 烏蘘等分

各磨半鍾和勻溫服有執者加大黃枳殼名六磨湯

橘杏丸 治氣秘老人虛弱人皆可服

橘紅 杏仁等分

煉蜜丸 梧子大每七十九丸 空心米飲下

蘇麻粥 順氣滑大便 蘇子 麻仁

二味不拘多少 研爛水瀝取汁 煮粥食之

從容瑣陽粥 老人陰血不足 大便燥結

肉蓯蓉 瑣陽 煮粥服

小通氣散 虛人憂怒傷肺 致令秘澁曾服燥藥而大便秘

陳皮 蘇葉 枳殼 木通等分 水煎服 立通

金液丹 治挾冷結滯 兼治傷寒陰結 以杏仁麻仁煎湯

吞下 方在寒門

神功丸 治氣壅風盛 秘結後重 疼痛煩悶

大黃 訶子各四兩 人參 麻仁各二兩 右蜜丸梧子大

每二十丸米飲下食後臨臥服此藥虛實加減

小柴胡湯 治傷寒陽結能食而大便結

檳榔丸 治大腸實熱不通心腹脹滿

檳榔 大黃 麻仁 枳實 羌活 杏仁 牽牛

白芷 黃芩 各一兩 人參 五錢

蜜丸梧子大每四十九空心溫水下

四順清涼飲 治同前 每加燈心十根枳殼十片水煎

服効

檳榔散 治腸胃有濕大便秘結

檳榔 不拘多少 爲末每服二錢蜜湯點服

香蘇散 治同上 加枳殼檳榔水煎服

五仁丸 津液枯竭大腸秘結傳道艱難

桃仁 杏仁 各一兩 栝子仁 郁李仁 炒 松子仁 各二錢半

陳皮 四兩另為末 右五仁另研為膏入陳皮末研勻蜜丸梧

子大空心米飲下五十丸

調氣滋補溫腸丸 治發汗利小便亡津液以致秘結

沉香 一兩另為末 肉蓯蓉 二兩 為末用麻子仁汁打糊為

丸梧子大每七十九丸空心米飲下

潤腸丸 治脾胃中伏火秘結及風結血結

桃仁 麻仁 當歸尾 大黃 羌活 各五錢 升麻

紅花 郁李仁 右除桃麻仁另研為泥外餘為末煉

蜜丸梧子大每三五十九丸空心白湯下

一方加防風三錢皂角仁燒存性兩半無升麻以下三味

葳靈仙丸 治年高氣衰津液枯燥秘結

黃耆 枳殼 葳靈仙等分

煉丸梧子大每五七十九丸薤湯熱水任下

陳黃湯 治老人大便秘結

黃耆 陳皮各五錢為末每服三錢用火麻仁一合研爛

以水投取汁一鍾瀘去渣于銀石器中煎候有乳花起即入白蜜一大匙再煎令滾調藥末空心服

獨棗湯 治大便積日不通

大棗一枚劈開入輕粉五分依舊合起以麻線縛札慢

火水煮熟嚼碎以棗汁送下

丹溪治虛熱大腸秘

白芍藥

一兩半

陳皮

生地黃

當歸身

各一兩

條芩

甘草

各二錢

右粥丸每七八十丸白湯下

潤麻丸

治血燥大便不通

此丹溪秘方

麻仁

當歸

桃仁

生地黃

枳殼

各一兩

蜜丸梧子大每五十丸空心白湯下

導滯通幽湯

治大便難幽門不通上冲吸門不開噎塞

不便燥秘氣不得下治在幽門以辛潤

當歸身

桃仁泥

升麻

各一錢

生地

熟地

各五分

炙甘草

紅花

各三錢

水煎食前調檳榔末五錢或加

麻仁泥一錢若加大黃名當歸潤燥湯

潤燥湯

升麻

生熟地黃

各二錢

當歸梢

生甘草

大黃

煨

桃仁泥

麻仁泥

各三錢

紅花

五分

右除二仁另研作

一服水煎數沸下二仁煎空心熱服

活血潤燥丸

治大便風秘血秘時常燥結

當歸稍

一錢

防風

三錢

大黃

紙裹煨

羌活

各一兩

桃仁

麻仁

各二兩研如泥

皂角

燒存性一兩三錢其性濕濕則滑滑則燥濕自解

右除二仁另研外餘為末蜜丸梧子大空心服五十

丸白湯送下三兩服後以蘇子麻仁粥每日早晚食

之大便不致燥結以磁器盛藥紙封

脾約麻仁丸 和劑方 治腸胃熱燥大便秘結

厚朴 去皮 芍藥 枳實 麩炒各八分 杏仁 去皮尖炒

麻仁 另研各五錢 大黃 蒸焙一兩六錢

蜜丸 梧子大每二十九臨臥溫水下以通利

潤腸丸 治大便秘澁連日不通

麻子仁 一盞半細研用水浸濾去皮取汁 芝蔴 半盞微炒研用水浸取汁

桃仁 泡去皮尖炒 荆芥穗 為末各一兩

右前藥入鹽少許同煎可以代茶飲之以利為度

三和散 治七情之氣結于五臟不能流通以致脾胃不

和心腹痞悶大便秘澁

川芎 三兩 羌活 去 紫蘇 去 沉香 宣木瓜 白朮

木香 檳榔 陳皮 甘草 各七錢半 大腹皮

每服五錢水煎服

木香三稜散 治腹中有虫面色痿黃一切積滯

黑丑 半生半炒君 大腹子 君 檳榔 木香 三稜 煨 雷丸

莪朮 煨 錫灰 醋炒 大黃 已上各二兩 右為末每服三錢空

心蜜水調下或砂糖水亦可須先燒肉一片口中嚼

之久久吐出口中肉汁然後服藥

大小便不通

烏柏湯 治大便不通如神亦能通小便

烏柏木皮方一寸七劈破以水煎取小半盞服之立通

不用多服其功神聖兼能取水或以此湯調下五苓

散二錢空心服

推車散 治大小便秘經月欲死者

推車客

七枚

土狗

七枚

如男子病推車客用頭土狗用

身

如女子病土狗用頭推車客用身

右新瓦上

焙乾為末用虎目即虎杖樹皮向南者濃煎汁調只

一服經驗如神

皂莢散

治大小便關格不通經三五日

不炷皂角燒灰米湯調下三錢即通

甘遂散

治大小便不通

甘遂

二兩

用赤皮者為末煉蜜二合和勻每一兩重分

作四服蜜水下如未効第二服漸加之

蜜硝湯 治大小便不

好蜜一鍾入皮硝二錢用滾水一碗空心調下立通

導引法

蜜

二匙

葱汁

二匙

猪膽汁

二匙

青黛

二分

皂角末

五分

玄胡

三分

右同和一處以猪小腸一節將此藥灌入腸內一頭用竹筒一箇兩頭俱用線扎定將竹管入肛門徐徐擠藥進去肛門得藥氣即通神效

兌法 凡諸秘結不通或兼他症及老弱虛極不可用下藥者 蜜熬老入皂角末少許以葱作骨乘熱擗作兌候冷硬用油塗肛門插入即通

猪膽汁導法

大猪膽一枚瀉汁和醋少許入竹管灌穀

道中少刻卽通

霹靂煎 用鹽與蜜乘熱捍如蜜兌法上頭銳用寸許納入穀道中少刻化開卽通

一法 用蜜兌不通者 用鹽吹入肛門亦妙

提盆散 治雜病非陰候者

草烏頭不拘多少爲極細末每用葱一枝肥者削去鬚圓頭上有汁濕蘸之納穀道中

海藏用鹽與蜜兌相合如用草烏頭末相合亦可蓋鹽能軟堅潤燥草烏能化寒消結可隨症陰陽所宜用之

宣積丸

巴豆

乾羌

韭子

良羌

硫黃

白檳榔

甘遂

各等
分 爲末研飯爲丸圓眼大早朝先用椒湯洗手麻油

塗手掌口握藥一粒移時便瀉欲止以冷水洗之

大小便不通

鹽燒紅填臍內切蒜一片蓋鹽上艾炷灸三五壯卽通
孫尚治趙令女忽吐逆大小便不通煩亂四肢漸冷無脈
凡一日半與大承氣湯一劑至夜半漸得大便通脈漸
和翌日乃安此關格之病極爲難治垂死而活者惟此

一女耳

孫兆方 治大小便不通

皂角燒存性爲末粥飲調下三錢立通

外臺秘要方 治脹滿大小便不通

獨蒜煨熟去皮紙包納入下部氣立通

止吐透格湯

藿香 砂仁 白叩仁 各一錢 陳皮 半夏 各二錢 茯苓

厚朴 蒼朮 各一錢半 水二鍾煎七分入羌汁三匙徐徐

頻服 火熱者去藿香叩仁加黃連 羌汁炒 山梔竹茹

鬱結氣滯者加香附貝母檳榔

通關導滯散

木香 檳榔 枳殼 當歸尾 厚朴 各一錢半 大黃 三錢

如小便不通加瞿麥木通活石各 錢半用八正散

水煎食前服

閉癰遺溺不禁辨

生生子曰閉者小便不出塞而不通也癰者罷弱而氣不
充淋淋瀝瀝點滴而出或澁而疼一日數十次或百次
俗名淋病者是也閉則多是急病癰則是緩病遺溺睡
夢中溺出醒而方知是也不禁者日夜無遍數頻頻而
溺也今各分枝門詳載治法以見新久虛實寒熱氣血
各有所攸重也惟肝與督脈三焦膀胱主之

經云肝主小便淋洩肝足厥陰之脈透陰器所生病者遺
溺閉癰又云督脈者女子入繫廷孔其孔溺孔之端也
其男子循莖下至纂與女子等其生病癰痔遺溺故遺
溺閉癰皆取厥陰腧穴及督脈腧穴也又三焦主之者
經云三焦下脈在子足太陽之前少陽之後出于膻中

外廉名曰委陽足太陽絡也三焦者足太陽少陽之所
將太陽之別也上踝五寸別入貫膈腸出於委陽並太
陽之正入絡膀胱約下焦實則閉癰虛則遺溺遺溺則
補之閉癰則瀉之是也又膀胱主之者經云膀胱不利
爲癰不約爲遺溺然遺溺閉癰不取膀胱腧穴者蓋膀
胱但止藏溺其出溺皆三焦及肝督脈也又經云三焦
者決瀆之府水液出焉膀胱者州都之官津液藏焉氣
化則能出矣由是言之膀胱藏水三焦出水治小便不
利故刺灸法但取三焦穴不取膀胱穴也

小便不通門

東垣謂小便不通有在氣在血之異夫小便者足太陽膀胱

膀胱所主長生於申申者西方金也金能生水金者肺也
肺中伏熱水不能生是絕小便之源也人法象天地膀胱
之源自頭項下至于足故曰陽中之陰如渴而小便
不通者肺不能降是也治法者用清燥金之正化氣味
薄之藥茯苓猪苓澤瀉琥珀燈心通草車前子瞿麥扁
蓄之類皆爲淡滲之藥能瀉肺火而清肺金滋水之化
源也若不渴熱在下焦是絕其流而溺不泄也須用氣
味俱厚陰中之陰藥治之二者之病一居上焦在氣分
而必渴一居下焦在血分而不渴血中有濕故不渴也
二者之殊至易分別耳

綱目云氣鬱于下微者香以散之甚者吐以提之血鬱于

下微者輕劑行之甚者峻劑破之

丹溪云小便不通有氣虛血虛有實熱有痰氣閉塞皆宜吐之以提其氣氣升則水自降蓋氣乘載其水也先哲譬之如滴水之器必使上竅通而後下竅之水出焉氣虛參朮升麻先服後吐血虛四物湯先服後吐痰氣閉塞者二陳加木通香附探吐實熱當分利之或八正散大便動則小便自通老人氣短者四物加參芪吞滋腎丸下焦血氣乾者死

統旨云氣虛而小便不通者經曰膀胱者津液藏焉氣化則能出矣氣虛則不能化故不通也血虛而小便不通者蓋血卽津液之屬血虛卽津液燥而溺道不利故不

通也與痰氣閉結於下者虛實之情不同今丹溪皆用吐法乃急則治其標也雖然氣虛血虛以虛爲本虛則必補之而後可夫以參朮四物調其真氣而吐之誠可以通其溺而其本之虛也豈參芪四物之類頃刻下咽遂能以補益之耶吾恐病根猶在不久必復作故愚意以爲若果氣虛血虛必用補氣補血之藥使其氣盛而施化血生而津潤其便自可以通不必探吐果宜吐者必須先吐俟其溺通繼服補劑庶可平復非如痰氣閉結者但吐之而已此丹溪未盡之意予故表而出之戴元禮云汗多而小便赤澁夏月多有此症盛暑所飲既多小便反澁緣上停爲飲外發于汗津道不通小腸閉

澁則水不運下五苓散然有虛勞汗多而反澁者乃是
五內枯燥滋腴既去不能生津當以溫養潤肺十全大
補湯或養榮湯不可過用利小便藥蓋汗者心液心主
血養血則心得所養汗止金生不待通溺而自清矣諸
失精血及患瘡毒人或有小便反澁之症亦是枯竭不
潤之故也

羅太無曰小便不利有三不可槩論若津液偏滲于腸胃
大便泄瀉而小便澁少者一也宜利而已若熱搏下焦
津液則濕熱不能行者二也必滲泄則愈若脾胃氣澁
不能通調水道下輸膀胱而化者三也可順氣令施化
而出

丹溪云諸淋皆屬于熱余每用黃栢滋腎丸每百丸用四
物湯加甘草稍杜牛膝木通桃仁活石木香煎湯空心
吞服兼灸三陰交如鼓應桴累試累効

保命集云淋閉者涼膈散加滑石四兩茯苓一兩治熱在
氣分之劑

東垣清肺散 治渴而小便閉或黃澁邪熱在氣分

茯苓二錢 猪苓 澤瀉各二錢 琥珀 瞿麥 桂各五分

通草 燈心各二分 木通 扁蓄各七分 車前子炒一錢

每服五錢水煎熱服五苓散八正散亦宜用

仲景猪苓湯 治脈浮發熱渴而小便不利

猪苓 茯苓 阿膠 滑石 澤瀉各一兩

水四升煎二升去渣內膠煎溶溫服一日三服

茯苓戎鹽湯

茯苓

半斤

白朮

二兩

戎鹽

彈丸大

一枚

為末白湯調下

清肺飲 治肺燥而小便不通

黃芩

一錢

山梔子

三枚

鹽鼓

二十粒

長流水煎服治熱在血分之劑

東垣滋腎丸 下焦陰虛脚膝軟無力陰汗陰痿足熱不

能履地不渴而小便閉者邪熱在血分也

黃栢

知母

俱酒洗焙各二兩

肉桂

二錢

右滾水為丸梧子

六每百粒加至二百粒煎百沸湯空心服

或臍下痛不可忍

黃連炒

黃柏炒

甘草各等分

水煎服

如再不通加知母此藥助氣使氣得化則通矣

羅太無白花散 治小便不通膀胱有熱

朴硝為末每服二錢煎茴香湯調下

東垣導氣除燥湯 小便不通乃血濕致氣不通而竅澁

知母

酒洗澤瀉各三分

黃柏四錢

滑石炒

茯苓各二錢

水煎不拘時服

小便不通腹下狀如覆碗痛悶難忍者乃腸胃乾涸膈中
氣不下則便不化啟玄子謂胞器若得氣海之氣施化

則溲便下氣海之氣不及則隱秘不通故不得便利也
先用木香沉香各三錢酒調下令氣通達便自通利
又方 煎陳皮茯苓湯調木香沉香末服之

上二方正綱目所謂氣鬱于下微者香以散之是也
丹溪治氣鬱於下甚者以吐法提之

血鬱于下小便不利微者輕劑行之如蒲灰散滑石白魚
散茯苓戎鹽湯皆主之

仲景蒲灰散

蒲黃粉 七分 滑石 二分 爲細末白湯 一日三服

滑石白魚散

滑石 乳髮灰 白魚 各二分乃衣魚也

爲末米飲服五分一日三服

羅太無髮灰散 治臍下急滿小便不通

髮灰

二錢

米醋二合調服

一法與葵子等分爲末米

飲服二錢訖卽炒黑豆葉蓋其上卽通

右滑石能逐汚血蒲黃髮灰能消汚血丹溪謂髮髮
補陰之功甚捷

血鬱于下小便不利甚者峻劑破之

本事桃仁煎治婦人積血小便不通臍腹脹疼不可忍衆
醫皆作淋治如八正散之類數種皆治不効診之乃知
血癥也非瞑眩藥不可去予用此藥得愈

桃仁

大黃

朴硝

各一兩

盲虫

半兩炒黑

四味為末先以醇醋二升半銀石器內慢火煎取一

升五合下大黃桃仁盲虫等不住手攪良久出丸如

梧子大前一日不晚食五更初温酒吞下五丸至日

午腹大痛不可忍臥少頃下血塊如拳者數枚小便

如黑豆汁或如鷄肝蝦蟇衣狀其痛止此藥極峻氣

虛血弱者不可輕用凡用宜少服之漸加可也如見

鮮血即止藥續以補藥調理此方出千金方

倒換散 治癰閉大小便不通小腹急痛肛門腫痛

大黃小使不通減半 荆芥穗大使不通減半

為末每服二錢温水調下

小背生瘰癧 治小便不通或血淋

杜牛膝二兩

以雪水二碗煎至一碗調朴硝一兩空心

服立通

雜方

治小便閉 用大田螺生去殼搗細封臍上即通

治傷寒後小便不通

生菴八九塊杵碎水十餘碗麻布五六尺同煎數沸用

桶盛候可通手以布頻熨小腹良久恰用紅豆末一錢

江茶二錢井花水調服神効小便如注

木事方 治小便難小腹脹急不速治即死

葱白一斤細切炒令熱以帕子裹分作兩處更替熨臍

下即通

聖通方 治小便難腹滿悶不急療卽死

秦艸 一兩 去芦 以水一大碗煎七分食分二服服之効

濟世方 治小便不通

杏仁 二十枚 研碎水調分作二服効

千金方 治婦人卒不得小使用紫苑末以井水調服三撮便通如小便血五撮立止

灸小便淋澁法

炒鹽不拘多少熱填滿病人臍中是神闕穴也却用筋頭大艾炷灸七壯良驗或灸三陰交穴

又法 治小水秘澁

猪膽連汁籠套玉莖小刻汁入卽通

婦人用藥末貯袋子安入玉戶中必通

玄珠經云陰陽關格前後不通利小水自行中有轉胞之症諸藥不効無救則脹滿悶亂而死曾以甘遂末水調敷臍上內以甘草節湯飲之藥汁至臍二藥相反而胞自轉小水來如湧泉此救急良方

一法 治小便不通諸藥無効或轉胞至死

用猪尿胞一箇底頭出箇小竅用翎筒通過放在竅內根底細線繫定翎筒口子細杖子堵定上用黃蠟封尿胞口頭吹滿氣七分繫定了再用手捻定翎筒根頭放了黃蠟堵塞其翎筒放在小便頭放開翎筒根頭手其氣透入裏自然小便下神効

瓜蒌散 治腹脹小便不通

瓜蒌仁 不拘多少為末每服三錢溫酒調下如不能

食酒米飲下以通為度

葵子散 治小便不通

黃蜀葵子 赤茯苓 各三錢 水煎服

鷄蘇散 治小便不通

鷄蘇 一握 生地 通草 各四兩 滑石 石葦 炒去毛各一兩

冬葵子 一兩半 以水六碗煎至三碗分三服空心進一

服約人行五里路又進一服

一方加榆莢黃芩車前子

治小便不通垂死者

玄明粉兩淡竹葉三十片燈心五分煎湯徐徐調下即通

治老人虛人小便不通 亦治心痛

琥珀為末人參湯調下妙

王海藏云脬轉小便不通非膀胱小腸厥陰之氣也蓋因
強力房事或過忍小便以致此疾非可利之藥所能利
之法當治氣宜以沉香湯主之

沉香 木香 各三錢

為細末煎陳皮茯苓湯空心食前調服癰門

生生子曰癰罷也下元罷憊而氣餒弱不能施化故小便
淋瀝點滴而下是又稱為淋也

陳無擇曰淋古謂之癰名稱不同也癰者罷也淋者滴也

赤水玄珠 十五卷 六
古方皆云腎氣鬱致小腸膀胱不利復有冷淋濕淋熱淋等屬外所因既言心腎氣鬱與驚思恐憂卽內所因况飲啖冷熱房失勞役及乘急忍溺多致此病豈非不內外因也大率有五曰冷曰熱曰膏曰血曰石五種不同皆以氣爲本

嚴氏曰五淋氣石血膏勞是也氣淋爲病小便澁常有餘瀝石淋莖中痛尿不得卒出膏淋尿似膏出勞淋勞倦卽發痛引氣衝血淋遇熱卽發甚則溺血候其鼻頭色黃者小便難也大抵此症多由心腎不交積蘊熱毒或酒後房勞服食熱燥七情鬱結所致癰閉淋閉爲病皆

一類也

張子和曰世人多爲服金石燥熱之劑得之常見農家有
此症豈是服金石之人也大抵是膀胱蓄熱而成此疾
如湯瓶久在火中煮瓶底白碱而不能去沙石淋之症
與此理同 劉宗厚曰此譬極當內經云小腹熱洩出
白液亦甚似之也

東垣曰凡小便癰閉閉是無陰而陽氣不化也凡利小便
之藥皆淡味滲泄爲陽止是氣藥陽中之陰非北方寒
水陰中之陰所化者也此乃奉養太過膏梁積熱損北
方之陰腎水不足膀胱腎之室久而乾涸小便不化火
又逆上而爲嘔噦非膈上所生也獨爲關非格病也潔
古云熱在下焦填塞不便是治關格之法因治王善夫

病小便不通漸成中滿腹大堅硬如石壅塞之極腿脚
腫脹破裂出黃水雙睛突出晝夜不得眠飲食不下苦
痛不可名狀求予治之因問受病之始知病不渴近苦
嘔噦衆醫皆用治中滿利小便滲淡之藥急難措手乃
辭歸從夜至旦耿耿不寐窮究其理記素問有云無陽
則陰無以生無陰則陽無以化此病小便癰閉是無陰
則陽無以化也今病者內關外格之症悉具死在旦夕
但治下焦可愈隨處以北方寒水所化大苦寒之氣味
俱陰者黃柏知母爲君桂爲引名曰滋腎丸沸湯下二
百丸少頃前陰如刀刺火燒之痛溺出如湧泉臥具皆
濕末下戒流頭粉之間腫脹消散予驚喜曰大哉聖人

之言豈可不遍覽而執一者也其症小便閉塞而不渴時見煩燥者是凡諸病在下焦皆不渴也

千金方 治小便淋痛以杜牛膝以酒煮服

肘後方 以杜牛膝根莖葉酒煮服治小便不利莖中痛欲死及治婦人血結堅痛如神蓋牛膝治淋之聖藥也但虛人當用補藥監治之耳

仲景云淋家不可發汗發汗則便血

寶鑑曰痺論云胞痺者小腹膀胱按之內痛若沃以湯澀於小便上爲清涕夫膀胱爲州都之官津液藏焉氣化則能出焉令風寒濕邪客于胞中則氣不能化出故胞滿而水道不通其症小腹膀胱按之內痛若沃以湯澀

小便以足太陽經其直行者上交額下入絡腦氣下灌於鼻竅則爲清涕也

劉宗厚曰按此則知淋閉有寒熱之殊大抵人之所稟虛實受病不同宜參脈理分治

方古庵云淋症其感不一或因勞房厚味醇酒忿怒所致夫房勞者陰虛火動也忿怒者氣動生火也醇酒厚味者釀成濕熱也積熱既久熱結下焦所以小便淋瀝欲去不去不去又來而痛不可忍者初則熱淋血淋久則煎熬水液稠濁如膏如沙如石也諸方中類多散熱利小便而于開鬱行氣破血滋陰蓋少焉若夫散熱利小

便只能治熱淋血淋而已其膏淋沙淋石淋三者必須

開鬱行氣破血滋陰方可也古方用鬱金琥珀開鬱藥
也用青皮木香行氣藥也用蒲黃牛膝破血藥也用黃
栢地黃滋陰藥也東垣用藥凡例小腹痛用青皮黃栢
夫青皮踈肝黃栢滋腎緣小腹小便乃肝腎之部位也
學者不可不知

治熱之劑

火府丹 治心經熱小便澁及治五淋臍下滿痛

生地 木通 黃芩 甘草

煉蜜杵丸梧子大每二十九丸木通煎湯下

導赤散 治心蘊虛熱小便赤澁或成淋痛

生地 甘草 木通 加竹葉水煎服

車前子散 治諸淋小便痛不可忍

車前子 五錢 淡竹葉 赤茯苓 燈草 荆芥穗 各二錢

分二帖水煎服

地膚子湯 治諸病後體虛觸熱熱結下焦小便赤澀多

起少出莖痛如刺或尿血

地膚子 猪苓 知母 黃芩 海藻 通草 瞿麥

枳實 升麻 葵子 各等分 羗三片水煎服

立効散 治下焦結熱小便淋閉作痛有時尿血

甘草 炙三兩 瞿麥 一兩 山梔仁 炒五錢

每一兩羗三片葱白三根燈心三十根水煎服

通草湯 治諸淋

通草 葵子 茅根 蒲黃 當歸 王不留行

桃膠 瞿麥 滑石 各一兩 甘草 五錢

每一兩羗五片水煎服

石葦散 治膀胱有熱淋瀝不去臍腹急痛蓄作有時勞

役卽發或尿如豆汁或出沙石並治

芍藥 白朮 滑石 葵子 木通 瞿麥 各二兩

當歸 甘草 王不留行 各一兩 石葦 去毛二兩

爲末每服二錢空心小麥湯調下

五淋散 腎氣不足膀胱有熱水道不通淋瀝不出或如

膏如沙如石如豆汁並治之

赤芍藥 山梔仁 各十兩 當歸 甘草 生各五兩 條芩 三兩

赤茯苓六兩 每服七八錢水煎

八正散 治大人小兒心經蘊熱臟腑閉結小便赤澀癢

閉不通熱淋血淋膏淋沙淋石淋並皆治之

車前子 瞿麥 扁蓄 滑石 甘草 山梔

大黃麵包 木通 各等分

每服五七錢入燈心十莖煎至六分食前服

又方 治諸淋

四苓散二錢 益元散 山梔子 各一錢

燈心三十根水煎服

又方 益元散加車前子末一錢 或加阿膠一錢

石葦飲 治小便不利莖中痛

石葦去毛冬葵子各二兩瞿麥一兩滑石五兩車前子三兩

為末每服二錢日三服熟水下

葵根湯 治小便淋澀

葵根洗淨搗碎水煎服

又方 治沙淋

車前草搗汁半碗入蜜一兩懸井中五更取起溫服若

是沙淋石淋則以煨寒水石為末調服

如治白淋用沙糖

治淋閉莖中作痛神効方

石葦 滑石 瞿麥 扁蓄 木通 冬葵子

王不留行 地膚草各等分為末每服二錢白湯調下

一方 治淋及尿血立効

旱連草 車前草 同取汁每服半碗

一方 治淋痛及尿血

側栢葉 藕節 車前子 等分

取汁調益元散三錢神効

治石淋方

杜牛膝 搗碎水五碗煎至一碗去渣入射香少許調

服効

一方 治沙淋

石首魚腦骨 五對 火煨 滑石 五錢 爲末分二服煎木通湯調

下連服數劑看少盡上藥

海金沙散 治膏淋

海金沙 滑石末 各一兩 甘草 二錢半

爲末每二錢麥冬湯調服燈心湯亦可

一方 加木通瞿麥穗通草杏仁

鹿角霜丸 治同上

鹿角霜 白茯苓 秋石 各等分

爲末麵糊丸梧子大每五十丸米湯送下

大海金沙散 治小便淋瀝及下焦濕熱氣不施化或五

種淋疾癰閉不通

海金沙 研 木通 瞿麥穗 滑石 通草 各半兩

杏仁 去皮尖 每五錢入燈心二十根水煎服

牛膝膏 治死血作淋

牛膝

四兩去芦
酒洗一宿

桃仁

一兩去
皮尖炒

當歸尾

二兩
酒洗

赤芍藥

一兩
半

生地

一兩半
酒洗

川芎

五錢

用水以炭火慢熬至二鍾入射少許分作四服空心

服如夏月用凉水換此膏不壞

滋陰降火湯 治火燥血少氣不得降而淋

當歸

黃柏

鹽水炒各
一錢半

知母

牛膝

生地

各一錢

白芍

一錢
二分

甘草稍

木通

各八分

水煎食前服

靈苑透膈散

治五種淋疾氣淋熱淋勞淋石淋及小便

不通至甚者

硝石

一兩雪白
者為末

每服二錢各依湯使服

如勞倦虛損小便不出小腹急痛葵子煎湯下通

後更須服補虛丸藥 如血淋小便不出時下血疼

痛並用冷水調下 如氣淋小腹滿急尿後常有餘

瀝木通煎湯下 如石淋莖內痛尿不能出內引小

腹膨脹急痛尿下砂石令人悶絕將藥末先入銚子

內隔紙炒至紙焦爲度再研令細溫水調下 如小

便不通小麥湯下 卒患諸淋並以冷水調下 以

上並空心先調藥消散如水卽服之更以湯使送下

凡服藥未効者服此立愈

靈苑湯 治卒患諸淋遺溺不止小便赤澁疼痛

三葉酸漿草取嫩者搗汁一合酒一合攪勻空心服之

立通 酸漿草卽布谷飯

一方 治血石淋

楊樹蛀屑烏梅一大棗三水煎服

羅太無石燕丸 治石淋多因憂鬱氣注下焦將所食

物結成砂石小便澀痛不可忍必俟砂石出而後小便

通 石燕燒赤水中淬三次研水飛過 滑石 石葦去毛

瞿麥穗各一兩 為末糊丸梧子大煎燈心瞿麥湯吞下

十丸一日三服

葛粉丸 治男女淋病疼痛効速勿輕忽之

沙糖本草云治心肺大腸熱 葛粉 和丸梧子大井花水化開

一二丸

斗門方 治五淋

苧麻根兩莖打碎水煎頓服大妙

丹溪云苧根補陰行滯血

治石淋方

螻蛄一枚

鹽二兩

用於新瓦上鋪蓋焙乾研

末溫酒調下一錢七服下即愈

白薇散

治熱淋血淋

白薇

芍藥

等分

為末每服二錢溫酒調下立効

或加檳榔

一方治血淋諸熱淋

山茵陳

淡竹葉

木通

山梔

滑石

甘草

猪苓

瞿麥

每服五七錢加燈心煎服

大便秘加大黃

二神散

治諸淋急痛

海金沙 七錢 滑石 五錢 為末每服二錢木通麥冬車前

草煎湯入蜜少許調下

治淋閉便濁神方

五爪龍藤連根 一兩 土茯苓 杜牛膝根 各八錢

共用酒三碗煎至一碗空心服三服全愈

又治下疳如神五帖後疳愈再不發他瘡毒

腎瀝湯 治胞痺小便不利小腹急

麥冬 木通 桔梗 桑白皮 杜仲 炒 犀角屑

五加皮 各一錢 赤芍 五分 水二鍾加羊腎一枚切碎煎

至八分入竹瀝少許食前服

濟生木通散 小便不通小腹痛不可忍

木通 活石 兩 黑丑 五錢

每服五錢燈心十莖葱白一莖水煎服

治氣開鬱之劑

芍藥檳榔散 治五淋

赤芍藥 一兩 檳榔 一枚 麵 包煨

爲末每服一錢匕空心白湯調下

丹溪 生氣藥

砂仁 三錢 海金沙 紅曲 檀香 各二錢 白荳仁 木香

丁香 各一錢 分五帖研桃仁十四枚入生氣藥

治諸般沙石淋

琥珀 二錢 研細末空心用葱白頭煎濃湯調下無問

諸般淋疾一二服神効
本草云琥珀消汚血極驗

通秘散 治血淋痛不可忍

陳皮 香附 赤茯苓 等分 水煎服

沉香散 治氣淋疼此多因五內鬱結氣不舒行陰滯於

陽而致壅滯小腹脹滿便溺不通

沉香 石葦 滑石 當歸 王不留行 各五錢 葵子

芍藥 各七錢半 甘草 陳皮 木香 青皮 各二錢半

爲末每服三錢煎大麥湯下

治卒淋急痛方

益元散 二錢 茴香 一錢微 木香 檳榔 各二分半

右爲末水調服

琥珀散 治五淋砂石淋

滑石 琥珀各一兩 木通 當歸 木香 鬱金

扁蓄各五錢 為末每五錢以蘆葦葉煎湯調服

如無蘆葦葉以竹葉煎湯送下

一方 治同上

石燕子七枚搗如黍米大 新桑白皮三兩剉同拌勻

二味分作七帖用水煎一日三服

治肝經氣滯蘊熱小便淋痛方

甘草稍子五錢 青皮 黃栢 澤瀉各一錢

水煎服効

補氣血之劑

丹溪治朱郎小便淋痛脈大右濇此為勞傷經血勿作淋

治可補血行肝經滯血自愈

生地

當歸

赤芍

各一錢

川芎

條芩

甘草稍

各三分

陳皮

木通

各五分

黃柏

炒二分

紅花

一分

杜牛膝

一錢

右以桃仁泥研滑石同煎待淋病退減桃仁滑石杜

牛膝木通入川牛膝代木通分兩倍之

氣虛者八物湯加杜牛膝黃芩煎服

老人氣虛亦能淋參朮中加木通山梔

治勞苦傷血脈沉而大下焦蘊結而淋

人參

歸尾

白芍

香附

各五錢

條芩

三錢

木通

三錢

山梔仁

炒三錢半

黃芪

甘草稍

生各五分

分四帖煎杜牛膝湯煎服

茯苓琥珀湯 小便澀莖中痛不可忍相引脇下痛

川練子

去核炒

甘草

生各一錢

人參

五分

茯苓

四分

琥珀

當歸稍

澤瀉

柴胡

各三分

玄胡索

七分

水煎服數服効

六味地黃丸

治久淋陰虛者

清心蓮子飲

治上盛下虛心火炎上口舌咽乾煩渴微

熱小便赤澀或欲成淋並治之

黃芪

蜜炙

石蓮肉

赤茯苓

人參

各七錢生

甘草

炙

車前子

地骨皮

麥門冬

黃芩

各五分

每服七八錢水煎溫服

發熱加薄荷柴胡

治氣虛脾虛消渴淋濁

人參

滑石

各一錢

白朮

半錢

赤茯苓

澤瀉

各七分

麥門冬

甘草

各五分

竹葉

三十片

加燈心二十根水煎服

治寒之劑

千金茯苓丸

治胞痺小便內痛

赤茯苓

防風

細辛

白朮

澤瀉

各五錢

紫苑

天花粉

牛膝

黃芪

芍藥

甘草

各三錢

山藥

山茱萸肉

獨活

半夏

各一錢

附子

炮

官桂

各一錢

煉蜜丸梧子大每服五六十丸空心温酒下

腎著湯

治胞痺小便不通

赤茯苓 白朮各四兩 甘草炙三兩 乾羌炮一兩

每服五七錢水煎一日三服

巴戟丸 治胞痺臍腹痛小便不利

巴戟去心一兩半 桑螵蛸麩炒 遠志去心 生地黃 山藥

附子炮 肉苁蓉酒浸續斷各一兩 杜仲炒 鹿茸酥炙 石斛

兔絲子 五味子 山茱萸 官桂 龍骨各三錢

煉蜜丸梧子大空心温酒下三十九

三因生附散 治淋而脈沉微小便澀數起不通竅中

瞿麥 木通 半夏各一兩半 滑石五錢 附子五錢

每二錢生羌三片燈心二十莖蜜半匙水煎食前服

淋閉餘論

生生子曰淋閉一證玉機微義闡述詳盡極當檢閱劉
河間之熱羅知悌之寒張潔古分在氣在血之異嚴用
和之五淋陳無擇之三因朱彥修之痰積死血劉宗厚
之腎虛火熾述素問靈樞脈經之要旨門分類析甚便
後學惟嬾人治法尙畧顧今時婦人患此頗多鮮獲奇
効緣由未得其真括也考之經曰肝主小便淋洩嬾人
經未絕年皆厥陰肝經用事肝主謀慮者也婦人之性
多於偏鄙鬱而不決氣道因澁鬱久成火凝滯濁液漸
結成粒名曰砂石淋是也今之治淋者動手輒用五苓
八正之類皆淡滲利竅之劑于病未嘗遠也而底績不
樹何耶殊不知淡滲皆在天之陽也但能利肺氣是氣

降而水利矣非治有形之陰病也腎乃肺之子也淡滲
過劑腎氣奪矣陰血日虧鬱火日熾經曰無陽則陰無
以化無陰則陽無以生淡滲皆泄氣而損血者血損則
竅愈澁澁則病劇治當開鬱火養陰血兼之以導氣之
藥經曰壯者氣行則愈陰血旺氣道滑病自瘳矣正如
河涸舟粘縱用力多未若決水之爲易也學者其可忽
諸

丹溪牛膝膏加鬱金以開鬱山梔以降火生地以補陰琥
珀以導氣利竅則愈矣

遺溺門

生生子曰按遺溺遺失也睡夢中遺失醒而後覺童稚多

亦水至理 十五卷 三三
有此大人少有也夫童稚陽氣尙微不甚約束好動而
魂遊故夜多遺失也古方多用煖藥乃溫養陽氣之意
經謂虛則遺溺又曰不約爲遺溺從可知矣曾見數人
二三十歲仍遺失不止後皆無子得非下元虛寒所致
歟

東垣曰小便遺失者肺金虛也宜安臥養氣禁勞役以黃
芪人參之類補之不愈當責有熱加黃柏生地又曰立
夏前悞用白虎湯過多致遺溺者宜溫藥升陽以解之
甲乙經云肺脈不足以息卒遺失無度

原病式云遺尿不禁者是熱甚客于腎部干於足厥陰之
經廷孔鬱結極甚而氣不能宣通則痿痺而神無所用

故液滲入膀胱而旋溺遺失不能收禁也

丹溪嘗治一男子遺溺不覺脉洪大盛以黃栢知母杜牛
膝爲君青皮甘草爲臣木香爲佐桂些小爲反佐服數
帖大効此法與千金翼白薇散皆治熱甚廷孔鬱結神
無所用不能收禁之意也

生生子曰按劉河間丹溪千金翼方有認爲熱者必以脉
症相叅看治庶無偏熱偏寒之弊予前論寒者以大槩
而言也諸病皆有寒熱虛實多有始同終異故治不能
執一而無權也

桑螵蛸散 治遺溺

桑螵蛸酒炒爲末姜湯調下一二錢

鷄內金散 治溺床失禁

鷄脰脰一具卽鷄肫內黃皮并腸洗淨燒存性男用雌

女用雄研爲末每二錢酒服妙

大人遺溺不知薔薇根細研酒下

鷄腸草湯 治小便不禁或睡中遺出不覺

鷄腸草

兩

牡蠣粉

三錢

龍骨

麥冬

白茯苓

桑螵蛸

各五錢

每服三錢

去核煎服

一方 治同上

補骨脂炒爲末黃柏煎湯調下

又方 治同上

桂皮末 雄鷄肝 等分搗丸如小豆大溫水下

治小兒夢中遺尿

苡米仁一合去心不去壳敲碎入鹽一小撮同炒黃色
水煎空心服之効

縮泉丸 治小兒遺尿脬氣不足小便頻多

烏藥

益智仁

去壳鹽水炮

等分為末酒煮山藥糊為丸

空心鹽湯下二錢

又方 治同上

烏藥

益智仁

各五錢

桑螵蛸

一兩

為末空心鹽湯調下二錢効

治遺尿方

白茯苓

牡蠣

醋煨

桑螵蛸

各五錢

龍骨

桂

各三錢

為末以鷄腸一具燒存性為末和勻空心白湯調下

一錢

禁方 治遺溺

阿膠炒 牡蠣煨 鹿茸酒 桑螵蛸酒 各等分為末糯

米為丸梧子大每五十九空心酒下

治遺溺淋瀝

桑螵蛸炙 龍骨等分 為末每二錢空心塩湯下

千金翼白薇散 治尿出不知時

白薇 白芍藥等分 為末温酒下方寸七日三服

濟世方神芎導水丸 治遺尿有實熱者每百丸空心白

湯下若一服得大便利止後服

此謂淫氣遺溺痺聚在腎痺謂氣不宣通也

雞腸散 腎與膀胱虛冷不能約制故遺尿失禁或睡自

出 肉桂

龍骨 各一錢半

白茯苓

桑螵蛸

牡礪粉

各三錢

雞腸

一具

分二帖水煎羗三片棗二枚空心溫服

小便不禁

生生子曰不禁謂無禁約小便多而頻不計遍數按經云
水泉不止者是膀胱不藏也有濕熱有下元虛僣數而
少為熱數而多為虛老人多有此蓋陽氣衰微不能約
束歷見數人卒皆不救由其不能攝養而神氣耗散故
也古人有謂不通為熱不禁為寒乃心腎氣弱陽道衰

冷而傳化失度法當溫補溫存以養其神藥石以堅其
腎神完腎固膀胱氣充自可約束然必調治及早庶或
十全三五

王節齋曰小便不禁或頻數古方多以為寒而用溫澁之
藥殊不知屬熱者多蓋膀胱火邪妄動水不得寘故不
能禁而頻數來也故年老人多類此是膀胱血少陽火
偏旺也治法當補膀胱陰血瀉火邪為主而佐以收澁
之劑如牡蠣山茱萸五味子之類不可用溫藥也病本
屬熱故宜瀉火因水不足故火動而致小便多小便既
多水益虛矣故宜補血瀉火治其本也收之澁之治其

標也

按此乃本之於原病式熱鬱廷孔之說也

生生子曰按節齋此論亦是以大槩言也老人下元虛憊
氣弱不能乘載其水膀胱停濕浸淫皮薄不能收持故
頻數不禁必如河間節齋所云然則癆閉已主於熱矣
而不禁又主於熱是無虛寒之症也何古方有溫補之
法經有寒虛之文耶不若以小便頻而清白長者爲虛
寒頻而少黃赤澁者爲熱及脈洪數有力無力或滑或
瀦叅驗之始無差悞凡熱天小便少寒月小便多寒熱
之理亦易見爾

大便秘結而小便頻多屬脾約症以脾約丸治之

茯苓丸 心腎俱虛神志不守小便淋瀝不禁

赤茯苓 白茯苓 等分爲末新汲水按洗澄去新沫

控乾別取熟地黃汁與好酒同於銀石器內熬成膏

爲丸彈子大空心鹽酒嚼下一丸

二氣丹 治內虛裏寒膀胱積冷陽氣漸微小便不禁

硫黃 肉桂 各二錢半 乾羌 炮 硃砂 爲衣各二錢

附子 一枚大者炮去皮臍爲末五錢

右糊丸梧子大每五十九鹽湯下

羌附赤石脂丸 小便數而不禁怔忡多忘夢魘不已

附子 生 乾羌 各五錢 赤石脂 一兩半飛 硃砂 伏火者一兩

酒糊丸棗豆大每十五丸至三十丸

大便秘有米飲下 小便不禁茯苓湯下

王海藏云此方妙在硃砂伏火上論韋王極微義甚詳

御藥院秘元丹 治內虛裏寒自汗時出小便不禁

白龍骨三兩 訶子十枚 砂仁 靈砂各一兩

右稷米糊為丸梧子大每五十丸空心鹽湯下

兔絲子丸 治小便多或致失禁

兔絲子 肉蓯蓉酒浸各二兩 牡蠣煨 附子 炮 五味子

鹿茸酒炙各一兩 雞胫胫乾炙 桑螵蛸酒炙各五錢

右酒糊丸梧子大每七十丸空心鹽湯溫酒下

三因家韭子丸 下元虛冷小便不禁或成白濁

家韭子炒六兩 鹿茸酥炙四兩 肉蓯蓉酒浸 牛膝 熟地黃

當歸各二兩 巴戟去心 兔絲子酒浸各一兩半 杜仲

石斛 桂心 官羌 炮各一兩

酒糊丸 梧子大每百丸空心鹽湯酒任下

桑螵蛸散 治小便頻數或如米泔稠濁

桑螵蛸 鹽水炙 遠志 石菖蒲 鹽炙 龍骨 人參

茯神 當歸 鱉甲 醋炙各等分 為末每二錢臨臥人參

湯調服 一方用龜甲

五子丸 治小便頻數時有白濁

兔絲子 酒蒸 家韭子 炒 益智 茴香 炒 蛇床子 去皮炒各等分

酒糊為丸 梧子大每七十九丸米飲鹽湯任下

丹溪鹿茸丸 治久虛冷小便白濁滑數不禁

鹿茸 川椒 去子取頭末 桂心 附子 牡蠣 石斛

沉香 補骨脂 肉蓯蓉 雞胫脰 各一兩 桑螵蛸 二分

右酒糊為丸梧子大食前酒下三十丸

又方 治汚血淋瀝

鹿角屑炒黃為末温酒下二錢炒 本草云鹿角逐陰中邪氣

水芝丸 治下焦真氣虛弱小便頻多日夜無度

蓮子 去皮 先以好酒浸一二宿用猪肚一具入蓮子在

內水煮熟取出蓮子切片晒乾為末醋糊丸如雞頭

子大每五十丸温酒送下

一方 治稟賦虛弱小便頻數不禁

五味子 四兩 肉蓯蓉 半斤 肉地 六兩 兔絲子 酒煮炒乾二兩

右酒煮山藥糊為丸梧子大每五七十丸空心鹽湯

或酒送下

萹藤丸 治小便頻數

川萹藤 不拘多少為末酒糊丸如梧子大每五十丸
空心鹽湯送下

一方 治夜多小便老人虛人多有此症

白芷一兩 粳米五錢炒

右粳米糊丸梧子大饅頭煎

湯空心下七十丸

玄兔丹 治小便多

兔絲子酒浸焙末十兩 五味子酒浸研末七兩 白茯苓三兩 蓮肉三兩

為末乾山藥末六兩將所浸酒餘者添酒煮糊為丸

搗干梓丸梧子大每五七十九空心米飲下

小菟系丸 治腎氣虛損目眩耳鳴四肢倦怠夜夢遺精

石蓮子肉 二兩 兔絲子 酒浸研 五兩 白茯苓 一兩 五錢 山藥 二兩 七錢

打糊丸梧子大每五七十九丸空心温酒或鹽湯送下

一方 生山藥半斤刮去片先用酒熬沸入山藥不得攪

動待熟加鹽葱白更添酒空腹下二三盞妙

益智散 治小便多

益智 三十枚 爲末水一盞煎八分入鹽五分臨臥温服

本事方衛真湯 治丈夫婦人元氣衰憊榮衛怯弱真陰

不固三焦不和上盛下虛夜夢鬼交覺來盜汗面色精

彩唇口舌燥耳內蟬鳴腰痛背倦心氣虛乏精神不寤

驚悸健忘飲食無味日漸瘦瘠外腎濕痒夜多小便腫

重冷痛牽引小腹足膝緩弱行步艱難婦人血海久冷
經候不調或過期不至或一月兩來赤白帶下漏分五
色子宮感寒久不成孕並皆治之 此藥大能生氣血

遇夜半子時腎水旺極之時補腎實臟男子攝血化

精諸病未萌之前皆能制治使不復為梗

川歸 酒浸一夜 丁香 青皮 去白各一兩 熟地黃 白茯苓

木香 肉菓 山藥 各三兩 生地 川牛膝 各二兩童便煮各半盞浸

一夜 人參 一兩半 石斛 五兩

為未每三大盞酒調下鹽湯亦得空心食前服婦人

諸病童便同酒調空心服

辰砂妙香散 方在婦人門

溺赤

諸病水液渾濁皆屬于熱小便黃者少腹中有熱也 治

小便黃無如黃柏知母効

脈經云足脛逆冷小便赤宜服附子四逆湯

綱目載小便黃有四

一屬肝熱經云肝熱病者小便先黃是也

二屬胃實經云胃足陽明之脈氣盛則身已前皆熱其有餘于胃則消谷善飢溺色黃者是也

三屬肺虛經云肺手太陰之脈氣虛則肩背痛寒少氣不足以息溺色變故耳

四屬腎虛經云冬脈者腎脈也冬脈不及則令人眇清脊

痛小便變是也

脫肛門 附截腸病

生生子曰脫肛之症多由腸內有積而清氣不升如痢疾裏急後重而下脫也治當從滯下門先推去積滯然後升補積滯去而清氣自升不復脫下其或因下血及痢疾之後脫而不收者爲虛升補之藥看氣血孰重脫之已久當以澹劑收之腸胃有風脫而下血者以風藥舉之脫久亦有虛寒者當溫藥微洗內服大補之劑

丹溪曰有氣虛氣熱血虛血熱

氣熱者條芩六兩升麻一兩爲末麵糊爲丸服之 其

證肛脫紅腫者是也

氣虛者參耆芎歸升麻或加白朮訶子有熱加條苓
其證多於勞倦房慾而發者是也

血熱者四物湯加炒黃柏 其證多於好酒及辛辣之
物而發及便血也

血虛者用四物湯加升麻荆芥 其證下血過多面色
痿黃者是也

下痢脫肛 痢門叅治

截腸病一其證大腸頭出痛苦乾又落落又出腸盡則死
初出寸餘時治之以芝麻油一盞以臀坐之飲火麻子
汁數升愈

脫肛之證前人以爲肺氣虛寒蓋肺與大腸爲表裏肺臟

蘊熱則閉結虛寒則脫婦人有此疾者多由產育用力
過多小兒有此疾皆因久痢大腸虛冷所爲也有腸頭
作痒者此係腸中有虫

黃桂峰云親見一人裏急後重肛脫紅腫百藥皆試乃有
虫在肛故也

濟世方 治男女脫肛用五倍子小便濃煎洗之

聖惠方 治脫肛不收蝸牛燒灰猪脂調敷之

砂仁湯 治大腸虛脫肛挾熱紅腫者

砂仁 黃連 木賊等分 爲末每服二錢米飲下

文蛤散 大腸虛寒肛門脫出不收或用力大過及小兒
叫呼久痢後重者

五倍子爲末水煎汁浸洗更入白礬蛇床子尤佳後用赤石脂爲末少許摻在巴焦葉上頻用托入或有脫出只許者亦用此湯溫浸頻換藥水以縮爲度

倍榆散 治小兒脫肛

五倍子

地榆

等分

爲末每五分或一錢米飲調下

治老人脫肛

防風蘆

蒼朮

黃栢

五倍子

煎湯薰洗內服清

涼大腸之藥卽愈

治脫肛下血

韭菜一大握搗碎瓦礫煎熟再用生韭菜汁沖在湯內將肛門坐在瓶口薰一二次神效

槐角丸 五種腸風下血痔漏脫肛並治

槐角三兩 地榆 黃芩 當歸 防風 枳殼麩炒各二兩

右酒糊丸梧子大每七十丸空心米飲下

涼血清腸散

生地 當歸 芍藥各一錢二分 防風 升麻 荆芥各一錢

黃芩炒 黃連 香附炒 川芎各八分 甘草五分 水煎服

三因方香荆散 大人小兒肛門脫出並治

香附 荆芥穗各等分 一方加砂仁

右為末每服三匙水一大碗煎數沸乘熱洗

秦芫湯 腸胃濕熱及有風而脫肛不止

秦芫去蘆酒洗 七錢水煎空心服服後安臥一時渣再煎

補中益氣湯 治勞倦脫肛効

一方 五倍子爲末每用三錢入白礬一塊水煎洗或以

五倍末用 襯之托上

一方 木賊燒存性爲末 肛上按入卽收

一靈散 治久痢腸胃俱虛肛門脫下

龍骨煨五錢 木賊燒存性二錢半 爲末搽上托之

治男女脫肛 五倍子荆芥小便濃煎洗之

本事方 腸風下血及脫肛不收

皂角 三莖搗碎水一碗揉令皂角消盡用絹一二層濾

取清汁將肛浸在汁中自收並不待手托如大腸收了

卽用湯盪其肛門上下令皂角氣行則不再作盪三次

全愈

集驗方 治脫肛歷年不愈

生鉄三斤水一斗煮取五升以汁浸洗

一方用刀漿水洗亦効

用後方 治腸頭脫肛出轉久不可收入

生括蓼汁浸之猪肉汁中洗隨以手按之令煖自收

濟世方治脫肛 荆芥 龍腦 薄荷 朴硝

右煎湯一日洗數次白入

本事方 治腸風脫肛及有血

蛇床子炒爲末貼肛上立効

蝟皮散 治肛門或因洞泄或因用力脫出不收

蝟皮一枚燒存性

礞石煨五錢

桂心五錢

此寒而脫肛也

右為末米飲服方寸七忌持重及房室

別後方治女人陰脫前方加鯨頭一枚燒存性研入

黑聖散 治瀉多時脫肛疼痛

大蜘蛛一枚瓠葉重裹線札定合于內燒存性研入黃

丹少許同研凡入上件疾即先用白礬葱椒湯洗拭

乾後搽藥以手托上

千金方 治脫肛歷年不愈

鯨頭一枚燒令烟盡為末付上手按按之

丹溪方 治脫肛 胡荽燒烟薰之立入

海上方 諸般痔脫肛

死蛇一條如指大濕者掘地坑燒之以有孔板子蓋之
坐其上以肛受烟薰之烟盡爲止大効

濟世方 治肛出

皂角薰次用蜒蚰一條入蜜浸去蜒蚰將蜜調土硃付
上卽入

一女子脫肛用糯米一勺濃煎飲去米洗肛溫柔先以磚
一片火燒通紅用醋沃濕以青布鋪磚上坐肛於青布
上如太熱加布令厚其肛煖自收入

又方 蓮房殼荆芥枳殼槐花黃栢防風獨活煎湯洗之
或以木賊灰或又蛤末付上立收

治肛門腫痛 木別子去殼取油四五枚研如泥入水盆

中以滾湯泡之乘熱洗另用少許爲末付上

肛門腫痒 杏仁搗膏敷上 亦治穀道痛蝕

外臺秘要治下部虫齧 桃葉一斛蒸之令極熱納小口

器中以下部坐上受薰其虫盡死

脈經云匿蝕陰脫其脈虛小者生緊急者死

一人脫肛裏急後重百方莫能收一僧教以取猪肚一具

刮下垢膩入花椒末拌勻塗肛上以青綿布袋兜之再以

溫湯入埕內坐其上薰之少頃肛癰腸收袋上虫不計其數從此再不復發

前陰諸疾

前陰所過之脈有二一曰肝脈二曰督脈經云肝足厥陰

之脈入毛中透陰器抵小腹是肝脈所過也又云督脈

者起于小腹以下骨中央女子入繫廷孔循陰器男子循莖中至纂與女子等是督脈所過也

陰縮陰縱

陰縮謂前陰受寒縮入腹內也陰縱謂前陰受熱挺長不收也經曰足厥陰之筋傷于寒則陰縮入傷熱縱挺不收治在行水清陰氣是也

丹溪治鮑兄年二十玉莖挺長腫而痿皮塌常潤磨股不能行兩脇氣上手足倦弱先以小柴胡加黃連大劑行其濕熱畧加黃柏降其逆上之氣其挺腫漸收漸減及半但莖中有堅塊未消遂以青皮一味爲君佐以散風之劑未服外以絲瓜汁調五倍子末敷而愈

平江王氏子年三十忽陰挺長腫而痛脈數而實用朴硝
荆芥湯浸洗又用三乙承氣湯大下之愈

內經曰陰縮而死者皆屬肝傷又云悲哀動中則傷魂魄
傷則狂妄不精不精則不正當陰縮而攣筋兩脇骨不
舉毛悴色天死于秋又云厥陰終者喜溺舌卷卵上縮
是也

玉莖腫前陰腫是也其症不一有通身水氣癩脛俱腫者
此屬水腫以治水之法治之其腎風抓搔成瘡以致腫
者以治瘡毒之法治之有妬精蝕瘡腫毒以乾瘡之藥
治之此緣妬精蘊結毒氣未散而成腫痛也有服金石
秘澁之藥精氣壅遏不能宣揚或試緊爐之方取一時

之快熱毒內蘊俱能爲腫有血氣凝滯癩間竅道閉塞
致使莖腫或由忍溺致氣結不行而成腫凡此諸症並
以燈心湯調五苓散服之以荆芥木通煎湯淋洗

此條出鈞

陰痿陰汗陰冷陰臭

陰痿皆耗散過度傷於肝筋所致經云足厥陰之經其病
傷于內則不起是也

東垣陰痿陰汗陰臭論

一富者前陰間嘗聞臊臭又因

連日飲酒腹中不和求予治之予應之曰夫前陰者足
厥陰之脈絡陰器出其挺末臭者心之所主散入於五
方爲臭入肝爲臊臭此其一也當於肝中瀉行間是治

其本後於心經瀉少冲以治其標如惡針當用藥除之
治法當求其本連日飲酒大酒者氣味俱能生濕熱是
風濕熱合於下焦為邪故經云下焦如瀆又云在下引
而竭之酒者是濕熱之水亦宜決前陰以去之是合下
焦一法治之龍膽瀉肝湯是也

龍膽瀉肝湯 治陰部時復濕痒有臊臭

柴胡梢

澤瀉

各一錢

車前子

木通

各五分

當歸尾

龍膽草

生地黃

各三分

水煎空心飢時熱服便以美

膳壓之柴胡入肝為引用澤瀉車前子木通其淡滲
之味利小便亦除臊臭是名在下者引而竭之生地
黃龍膽草之苦寒瀉酒濕熱更兼車前子之類以徹

肝中邪氣肝主血用當歸以滋肝中血不足也

固真湯 治兩丸冷前陰痿弱陰汗如水小便後有餘瀝

燥氣尻臀并前陰冷惡寒面喜熱膝亦冷

升麻 柴胡 羌活 各一錢 甘草 炙 澤瀉 各一錢半 黃栢

知母 炒 龍膽草 炒各二錢 水煎空心服以美膳壓之

溫腎湯 面色痿黃身黃脚軟陰汗陰莖有天色

麻黃 分六 防風根 蒼朮 各一錢半 白朮 猪苓 白茯苓

升麻 黃栢 酒炒各一錢 澤瀉 二錢 柴胡梢 六分

水煎食前服之候一時辰許方食

補肝湯 前陰如冰冷并冷汗兩脚痿弱無力

黃芪 分七 人參 葛根 各三分 甘草 炙 蒼朮 各五分 升麻

猪苓

各四分

知母

柴胡

羌活

當歸身

陳皮

黃栢

炒

防風

白茯苓

澤瀉

神麴

連翹

各二分

水煎食前熱服忌酒麵

清震湯

治溺黃臊臭淋瀝兩丸如冰陰汗浸兩股陰頭

亦冷正值十二月天寒凜冽寒之極矣

澤瀉

升麻

蒼朮

黃芩

各五分

柴胡

當歸身

甘草

各二分

羌活

黃栢

酒炒各一錢

防風

麻黃根

藁本

猪苓

各三分

紅花

一分

水煎服忌酒麵

柴胡勝濕湯

兩外腎冷兩髀樞陰汗前陰痿弱陰囊濕

痒臊氣

柴胡

甘草

生各三錢

升麻

羌活

澤瀉

各一錢半

當歸

麻黃

龍膽草

漢防己

各一錢

黃栢

酒炒二錢

五味子二十粒 紅花少許 白茯苓錢一

水煎熱服忌酒麵房事

仲景八味丸 治陰痿不振今依前方夏減桂附一半春

秋減三之一 病去全減桂附

椒粉散 治前陰兩丸濕痒秋冬尤甚

麻黃錢一 狗脊 蛇床子各五分 斑猫二枚 當歸梢

猪苓 小椒各三分 肉桂二分 輕粉 紅花各少許

爲細末摻上避風寒濕冷處坐臥

又方 治腎囊濕痒 先以吳茱萸湯洗過後用吳茱萸

半兩寒水石二錢黃栢二錢半樟腦蛇床子各五錢輕

粉一錢白礬二錢硫黃二錢檳榔三錢白芷三錢爲末

摻之

千金方云有人陰冷漸漸冷氣入陰囊腫滿恐死日夜痛悶不得眠取生椒擇之洗淨以布帛裹着丸囊令厚半寸須臾熱氣大通日再易之取出瘥

本事云曾有人陰冷漸次冷氣入陰囊腫滿晝夜疼悶不得眠煮大薊汁服立瘥

陰腫陰痛陰吹

婦人陰腫腎痛積實牛斤切碎炒熱布包熨之冷即易

交接勞復陰卵痛是勞復陰陽易

仲景云胃氣下泄陰吹而正喧此穀氣之實也膏髮煎導之其方猪膏半斤亂髮如鷄子大三枚以髮入膏中煎

至髮盡分再服病自從小便中出能治諸疽症殊効

雄黃散 陰腫大如斗核痛人所不能治者

雄黃

一兩

礬

二兩

甘草

生半兩

以水五升煎洗

荆芥散 治腎腫

荆芥穗

一兩

朴硝

二兩

蘿蔔

葱同煎湯洗

男子陰腫大如升睪痛甚搗馬鞭草塗之

和劑三白散 治小兒膀胱蘊熱風濕相乘陰囊腫脹大

小便不利

白牽牛

一兩

桑白皮

木通

白朮

橘紅

各五錢

爲末羌湯調二錢

癩風

俗名腎臟風

癩風之症起於下部虛熱或行路體倦及夏月久坐冷地

爲風濕所襲乃發爲疾其症囊濕皮厚生水泡瘡疥佈
痒古方用蛇床子一味煎湯淋洗痒甚者以羗汁入香
油數滴攪勻塗上自愈

沐浴長春散 治下元陰濕久冷陰囊夜痒振之則喜手
住則痛成瘡流水爲患甚苦及治婦人下部陰濕子胞
久冷並効

牡蠣 蛇床子 破故紙 紫梢花 官桂 薄荷葉
各等分每用一兩半入葱白數莖水煎一小鍋先薰
後洗再用津調散搽之全安

津調散 治妬精瘡膿汁淋漓臭爛

黃連 欵冬花等分 射香少許

爲末先洗過或以地骨皮蛇床子煎湯洗帛拭乾津
調敷忌生冷生湯洗 一方無射

又方 治外腎及兩腿風濕瘡

全蝎

檳榔

蛇床子

硫黃

各一錢

爲末麻油調入手心搽熱吸三口用手抱囊一頃次
擦藥兩腿上

疝氣門

內經四氣刺逆從篇曰厥陰脈滑則病狐風疝少陰脈滑
則病肺風疝太陰脈滑則病脾風疝陽明脈滑則病心
風疝太陽脈滑則病腎風疝少陽脈滑則病肝風疝又
骨空篇曰任脈爲病男子內結七疝女子帶下瘕聚大

奇論篇曰腎脈大急沉爲腎疝肝脈大急沉爲肝疝心脈搏滑急爲心疝肺脈沉搏爲肺疝三陽急爲瘕三陰急爲脾疝三陰脾脈也

脈經曰寸口脈弦而緊絃緊相搏則爲寒疝

生生子曰內經以六經脈滑爲風疝又以大急沉爲五藏疝按此六經五臟皆有疝也而以風字加之於六經之疝者何也意者無乃以風字作氣字者看耶或以巽爲風則木之氣肝之所主也又成疝之地乃肝部也夫滑脈主痰飲食積是言各經之痰飲食積流傳于肝之部地乃成疝也因肝主風故以風字加之也又夫急者緊急之謂也緊主病爲寒沉亦爲寒爲氣大亦爲氣是亦

言五臟寒氣流於下部發爲疝也蓋寒喜傷下腎肝俱
在下而肝之絡環繞陰器故以疝屬肝也據任脈起于
胞門循腹裏與衝脈厥陰會故男爲七疝女爲瘕聚也
其病極爲難治而諸書所言亦不一惟張戴人一主于
肝蒐輯甚博且曰非靈素銅人之論法皆不取要之欲
窮其原耳故其歷舉經義俞穴及七疝症圖殊爲詳悉
但用治諸方多是渠生平所長之三法人或病其峻抑
不知有是病用是藥醫而不善用此是無術也則未免
有過時失機之悔顧其症積滯根固淵藪偏僻非峻劑
曷能以達第不可孟浪亂投法所當用又何畏縮在設
施者消息經權務求其當可也劉守真言此症亦有熱

者丹溪亦主于肝且又言有濕熱死血及痰積因寒鬱而發間亦有虛者此亦深鑒前人純擬于寒而一以剛燥爲劑也今以諸賢大意述列於後以便叅治

劉守真曰癩疝小腹控卵腫急絞痛也寒主拘縮故也寒極而土化制之故腫滿也經言丈夫癩疝謂陰器連小腹急痛也故言婦人少腹腫皆厥陰肝之脈也經注曰寒氣聚而爲疝也又按經言五藏皆主疝但脈急也注言脈急者寒之象也然寒則脈當短小而遲今言急者非急數而洪也由緊脈主痛急爲痛甚病寒雖急亦短小也所以有痛而脈緊急者脈爲心之所養也凡六氣爲痛則心神不寧而緊急不得舒緩故脈亦從之而見

也欲知何氣爲其病者適其緊急相兼之脈而可知也
如緊急洪數則爲熱痛之類也又經言脾傳之腎病名
疝瘕小腹寃熱而痛出白蟲注言小腹痛洩出白液也
一作客熱內結銷鑠肌肉如蠱之食故名白蠱也然經
復言熱爲疝瘕則亦不可止言爲寒當以脈症引之

丹溪曰疝主肝經與腎經絕無相干疝痛之甚者睪丸連
小腹急痛也或有形或無形或有聲或無聲自素問以
下皆以爲寒蓋經絡得寒收引不行所以作痛世有得
寒而無疝者又必有說以通之可也子屢踢冰徒涉不
曾病此以子素無熱也因而思此病始于濕熱在經鬱

遏至久又感外寒濕熱收鬱而作痛若只作寒論恐爲

未備或曰此症多客厥陰一經濕熱之積何由而致子
曰大勞則火起于筋醉飽則火起于胃房勞則火起于
腎大怒則火起于肝火鬱之久濕氣便盛濁液凝聚并
入血隧流于厥陰肝屬木性速急火性暴爲寒束宜其
痛甚而暴也愚見古方以烏頭梔子等分作湯用之其
効亦速後因此方隨形症加減無有不應又須分濕熱
多寡而治之但腫多爲濕癩是也却有水氣而腫又有
挾虛而發者當以參朮爲君而佐以踈導診其脈沉緊
而豁大者是也若不以補劑而行決裂之法禍不旋踵
許學士曰大抵此疾因虛得之不可以虛而驟補經云邪
之所湊其氣必虛留而不去其病必實故必先滌所畜

之熱然後補是以諸方多借巴豆氣者蓋謂此也

張戴人曰疝本肝經宜通勿塞疝有七前人論者甚多非靈樞素問銅人之論余皆不取非余好異也但要窮其原耳七疝者何寒水筋血氣狐癩是也俗工不識巨爲膀胱又爲腎冷又或爲小腸氣小兒曰偏氣立名旣謬併喪其實何哉蓋醫者旣斷爲膀胱腎冷小腸氣又曰虛寒所致其藥之用也不鹿茸巴戟則杜仲菴蓉不附子烏頭則乾羌官桂不練實茴香則金鈴補骨脂朝吞暮餌曾無殊効三二十年牢不可去問因微病稍似開通執此微芒浸成大錯標旣不除本必歸甚處處相傳曾無覺者豈知諸疝皆歸肝經其柰庸流歸之小腸

囊夫膀胱水府專司滲泄小腸水道專主通流腎爲少
陰總統二水入之小溲自胃入小腸滲入膀胱膀胱者
脬囊也氣化則水出莖端此常道也及其爲疝乃是厥
陰肝經蓋環陰器而上入小腹者足厥陰肝經也夫腎
肝皆屬于下衝任督相附然靈樞經言足厥陰肝經病
則有遺溺癰閉狐疝主腎與小腸膀胱三經則不言疝
是受疝之處乃肝之部分也且內經男子宗筋爲束骨
之會也而肝主筋羸者囊中之丸雖主外腎非厥陰環
而引之與玉莖無由伸縮在女子則爲纂戶其內外爲
二其一曰廷孔其二曰竅漏此足厥陰與衝任督之所
會也靈樞言足厥陰之經筋聚于陰器其病傷于寒則

陰縮入傷於熱則縱挺不收治在行臥清陰氣故陽明
與太陰厥陰之筋皆會於陰器惟厥陰主筋故爲疝者
必本之厥陰靈樞又言足厥陰之別名曰蠡轔去內踝
五寸別走少陽循脛上臑結于莖其病氣逆臑腫卒疝
實則挺長虛則暴長取之所別矣豈非厥陰爲受病之
處耶靈樞又言邪在小腸連臑係屬于腎貫肝絡肺系
心氣盛厥逆上衝腸胃重肝散於盲結於臍故取之盲
原以散之刺太陰以平之取厥陰以下之取巨虛下臑
以去之按其所過之經以調之此其初雖言邪在小腸
至其治法必曰取厥陰以下之乃知諸散關於厥陰可
以無疑以脈考之素問云厥陰滑爲狐風疝少陰滑爲

肺風疝太陰滑爲脾風疝云凡此六疝雖見于他脈

中皆言風散者足厥陰肝經之氣也靈樞亦曰心脈微滑爲心散肝脈滑甚爲癩癰腎脈滑甚爲癰癩凡此三臟脈之疝亦以滑爲疝也素問又云脈大急皆爲疝心脈滑傳爲心疝肺脈沉傳爲肺疝三陰急爲疝三陽急爲癢王太僕云太陽受寒血凝爲癢太陰受寒氣聚爲疝此言太陰受寒傳之肝經也可以溫藥逐之不可以溫藥補之若補之者是欲病去而強挽留之也歷考素問三陽爲病發寒熱其傳爲癩疝此亦言膀胱非受病之處必傳于厥陰部分然後爲疝也又言病在少腹腹痛不得大小便病名曰疝得之寒言脈急者曰疝癢少

腹痛凡言少腹者豈非厥陰之部分耶又言脾氣傳胃
名曰疝瘕此謂非肝木不能爲風氣名曰厥疝蓋脾土
虛而不能制水又爲肝木所凌也又言督脈爲衝疝蓋
厥陰與衝任督俱會于前陰也豈不明哉至于運氣中
又言歲太陽在泉寒淫所勝民病小腹控睪蓋寒客于
小腸膀胱則肝木縮而不得伸行毋傳之子也陽明司
天燥淫所勝丈夫癩疝婦人小腹痛此言肝氣不得上
行爲金所抑鬼賊故也又言太陰在泉土勝則寒氣逆
滿食飲不下甚則爲疝此亦言寒客太陰濕土土不能
勝水水傳之肝經也又嘗遍閱銅人俞穴亦相表裏如
背上十三椎俞肝經言寒疝腹部中行隤陰交一穴言

寒疝任脈之所發也關元一穴言暴疝小腸之募足三陰任脈之會也曲骨一穴言癢疝任脈足厥陰之會也其腹部第二行盲俞二穴言寒疝衝脈足少陰之會也四病上穴言疝瘕衝任脈足少陰腎之會也其腹部第二行大巨二穴言癢疝足陽明脈氣之所發也氣衝二穴言癩疝莖中痛兩丸寒痛亦足陽明脈氣之所發也其腹部四行府合一穴言疝痛足六陰厥陰陰惟之交會也亦太陰部三陰陽明支別也衝門二穴言陰疝足太陰厥陰之會也其在側脇者五樞二穴言寒疝陰邪上入小腹帶脈下一寸也其在足六經者足厥陰穴十名言疝者七謂大敦行間大衝中封蠡溝中都曲泉足

赤水玄珠 十五卷
少陽穴十四名言疝者一謂丘墟穴也足太陰穴十一
名言疝者一謂陰陵泉也足陽明穴十五名言疝者一
謂陰市穴也足少陰穴十五名言疝者五謂然谷大谿
照海交信築賓也足太陽穴十八名言疝者二謂金門
合陽也由是言之惟厥陰言疝獨多爲疝之主也其各
經曰雖亦治疝終非受疝之地但與足厥陰相連耳或
在泉寒勝木氣攣縮禁于此經或司天燥勝木氣抑鬱
于此經或忿怒悲哀憂抑頓挫結于此經或藥淋外固
閉尾縮精壅于此經其病差別如此不知世間之藥多
熱補從誰而受其方也信其方則素問靈樞銅人皆非
也信素問靈樞銅人則俗方亦皆非也不知後之君子

以孰爲是嗚呼余立于醫四十餘歲使世俗之方人人
可療余莫知敢廢也諳練日久因經識病然後不惑且
夫遺溺閉癰陰痿胞痺精滑白淫皆男子之疝也不可
妄歸之腎冷血涸不日月罷腰膝上熱足蹙噤乾癰閉
少腹有塊或定或移前陰突出後陰痔核皆女子之疝
也但女子不謂之疝而謂之瘕若年少而得之不計男
子婦人皆無子故隱蔽委曲之事了不干脬腎小腸之
事乃足厥陰肝經之戕也柰俗方只言脬腎小腸殊不
言肝木一句惑人甚矣且肝經乙木也木屬東方爲心
火之母也凡疝者非肝木邪則肝木自甚也不可便言
虛而補之難經所謂東方實西方虛瀉南方補北方此

言瀉火木自平金自清水自旺矣昔審言爲蔡之叅軍也
也因坐濕地疝痛不可堪諸藥莫救余急以導水丸禹
功散瀉三十餘行腫立消痛立滅又頃聞一男子病卒
疝暴痛不任倒於街衢人莫能動呼余救之余引經証
之邪氣客於足厥陰之絡令人卒疝故病陰丸痛也余
急瀉大敦二穴大痛立已夫大敦穴者乃是厥陰之二
穴也殄寇鎮一夫病瘖瘡發渴痛飲蜜漿劇傷水水醫
者莫知瀉去其濕反雜進羌附濕爲燥熱所壅三焦閉
溢水道不行陰道不興陰囊腫墜大於升斗余先以導
水百餘丸少頃以猪腎散投之是夜瀉青赤水一斗遂
失痛之所在近穎尾一夫病卒疝赤腫大痛數日不止

諸藥如水投石余以導水一伯五十九丸令三次咽之繼以通經散三錢空腹淡酒調下五更下臟腑壅積之物數行痛腫皆去不二日平復如舊內經曰木鬱則達之達謂吐也令條達肝之積本當吐者然觀其病之上下以順爲貴仲景所謂上宜吐下宜瀉者此也敢列七疝圖於左以示後之君子庶幾有所憑藉者焉

寒疝其狀囊冷結硬如石陰莖不舉或控睪丸而痛得於坐臥濕地或寒月涉水或置兩雪或臥坐磚石或風冷處使內過勞宜以溫劑下之久而無子

水疝其狀腎囊腫痛陰汗時出或囊腫而狀如水晶或囊痒而燥出黃水或小腹中按之作水聲得于飲水酒醉

使內過勞汗出而遇風寒濕之氣聚於囊中故水多令人爲卒疝宜以逐水之劑下之有漏針去水者人多不得其法

筋疝其狀陰莖腫脹或潰或膿或痛而裏急筋縮或莖中痛痛極則痒或挺縱不收或白如精隨洩而下得于房失勞傷及邪術所使宜以降心之劑下之

血疝其狀如黃瓜在小腹兩傍橫骨兩端約中俗云便癰得于重感春夏大燠勞動使內氣血流溢滲入脬囊留而不去結成癰腫膿少血多宜以和血之劑下之

氣疝其狀上連腎區下及陰囊或因號哭忿怒則氣鬱之而脹怒止號罷則氣散者是也有一治法以針出氣而

愈者然針有得失宜以散氣之藥下之或小兒亦有此疾俗曰偏氣得于父年已老或少年多病陰痿精怯強力入房因而有子胎中病也此疝不治惟築賓一穴言之

狐疝其狀如瓦臥則入小腹行立則出小腹入囊中狐則晝出穴而溺夜則入穴而不溺此疝出入上下往來正與狐相類也亦與氣疝大同小異今人帶鈎鈴是也宜以逐氣流經之藥下之

癰疝其狀陰囊腫繩如升如斗不痒不痛者是也得之地氣卑濕所生故江淮之間湫塘之處多感此疾宜以去濕之藥下之 女子陰戶突出雖亦此類乃熱則不禁

固也不可便謂虛寒而澁之燥之補之本名曰瘕宜以
苦下之以苦堅之王冰云陽氣下墜陰氣上爭上爭則
寒多下墜則筋緩故罨垂縱緩因作癩疝也已上七疝
下去其病之後可調則調可補則補各量病勢勿拘俗
法經所謂陰盛而腹脹不通者癩癰疝也不可不下

統旨曰或問疝氣古方有以爲小腸氣者有以爲膀胱氣
者惟戴人丹溪專主肝經其說不同何以辨之予曰小
腸氣小腸之病膀胱氣膀胱之病疝氣肝經之病三者
自是不一昔人以小腸膀胱氣爲疝者誤也殊不知足
厥陰之經環陰器抵小腹人之病此者發則罨丸脹痛
而連及小腹則疝氣之係于肝經也可知矣且小腸氣

俗謂之橫絃豎絃繞臍走注少腹攻刺而膀胱氣則在毛際之上小腹之分作痛與疝氣之有形如瓜有聲如蛙或上於腹或下於囊者不同也但小腸膀胱因經絡並於厥陰之經所以受病連及于肝則亦下控引羣丸爲痛然只是二經之病不可以爲疝也學者惟考張朱二公之說則庶乎其不惑矣

生生子曰按統旨此論只可以言狐疝不足以盡經義然素問六經皆有疝故後之言疝者或名小腸氣或名膀胱氣或名腎冷氣張戴人朱丹溪乃獨屬之肝經要之各有所本而肝腎居多爾按靈樞經云邪在小腸連羣系屬腎貫肝絡肺系心氣盛厥氣上衝也大凡邪氣襲

於人之經也隨各經而名之襲於腎爲腎氣襲于膀胱爲膀胱氣襲于小腸爲小腸氣腎與膀胱相爲表裏其氣通于外腎系於睪丸此三經與厥陰互相聯絡而又俱在下部與衝任督諸脈會也戴人亦曰腎之穴十而言疝者五丹溪乃言與腎絕無相于絕之一字未細考爾實相須也凡久立過內則傷腎勞力遠行則傷筋腎傷則膀胱虛筋傷則肝氣弱一有所傷風寒濕邪乘虛而襲入於腎則脬囊腫小腹痛而足冷舌本強此腎經受病之候入於肝則先從陰器冷痛上抵肱脇唇青足厥甚則舌卷囊縮此肝經受病之候也膀胱乃胞之室素問骨空論篇曰任脈起於中極之下以上毛際循腹

裏上關元白胞上過帶脈貫臍而上故任脈爲病男子
內結七疝或指膀胱氣者以此也又衝脈爲病逆氣裏
急督脈起少腹以下骨中央女子入系廷孔其孔溺孔
之端也其絡繞陰器合纂間繞纂後別繞臀至少陰其
男子循莖下至纂與女子等其少腹直上者貫臍中央
上貫心此生病從少腹上衝心而痛不得前後爲衝疝
注曰衝任督皆奇經一源而三岐都與腎肝會也由是
考之各有所本匪謬也惟肝腎居多腎不得無相干肝
不得獨主疝從可知矣揣戴人之意若獨屬之肝則東
方實爲有餘有餘者瀉之庶可以行生平所長之技也
師者誠能體認不謬則通塞一適其宜丹溪戴人不多

證矣

按虛者當用參朮爲君佐以疎導之藥其脈豁大按之無力者虛也 又按之不定者亦屬虛必用桂枝山梔炒過烏頭細切炒過爲末以羌汁糊爲丸每服三四十九羌湯下大能劫痛 食積與死血成痛者梔子桃仁山查枳實吳茱萸並炒以生羌汁順流水煎湯調服一方一方加茴香附子

戴元禮曰木腎者心火下降則腎水不患乎不溫真陽下行則腎水不患乎不和安有所謂木強者哉夫惟嗜慾內戕腎家虛憊故陰陽不交水火不相濟而沉寒痼冷凝滯脹大作痛頑痺結硬不可純用燥熱當溫散溫

利以逐其邪邪氣內消榮衛流轉益如寒谷春回蓋有
不疾而速不行而至之妙矣

橘核散 單止痛此蓋濕熱因寒鬱而發用梔子仁以除
濕熱用烏頭以散寒鬱況二藥皆下行之藥而烏頭又
爲梔子所引其行尤速不使胃中停留也

橘核 桃仁 梔子 川烏炒 吳茱萸 水煎服

又方劫痛 烏頭細切炒 梔子仁炒等分

爲末或加或減白湯丸服亦可

積疔方 山楂炒一兩 茴香炒 柴胡炒各三錢 牡丹皮一錢

酒糊丸如梧子大鹽湯下六十丸

又方 治疔痛

山查炒四兩 枳殼炒 茴香炒 山梔仁炒各二兩 牡丹皮

柴胡 桃仁炒 大茴炒各一兩 吳茱萸錢五

酒糊丸鹽酒吞下五十丸

又方 治疝痛

蒼朮鹽炒 香附鹽炒 黃柏酒炒為君 青皮 玄胡索

益智 桃仁為臣 茴香為佐 大附子鹽炒 甘草為使

水煎服一痛過更不再作矣

一人有疝腹內有塊每塊痛作疝痛止疝痛作塊痛止

三稜 莪朮醋炒 神麩炒 羌黃 南星各一兩 山查二兩 木香

沉香 香附各三錢 黃連吳茱萸同炒去茱萸 桃仁 蘿卜

子 山梔仁 枳核炒各五錢 羌汁餗餅糊為丸

治小腸氣及木腎偏墜

黑丑一斤用猪尿胞裝滿以線縫口好酒米醋各一碗
於砂鍋內煮乾爲度取出黑丑用青紅娘子各十九枚
於鉄鍋內炒燥去青紅娘子將黑丑研取頭末四兩另
入猪苓澤瀉細末各二兩醋糊爲丸梧子大每服三十
丸空心鹽酒送下不可多服多服令人頭眩如頭眩可
服黑陽丹

元戎加味五苓散 治疝氣卒痛小便澁

本方加川練子一分

局方三白散 治膀胱蘊熱濕熱乘陰囊腫痛大小便不

利 方見前陰門

復元通氣散

舶上茴香

川山甲

蛤粉

炒各二兩

陳皮

玄胡索

黑丑 炒末

甘草

炒各一兩

木香

一兩半

為末每一大錢食前熱酒調服

寶鑑控引罌丸

小腸病結上而不下痛引心臆

茴香

炒

川練子

炒

食茱萸

陳皮

馬關花

醋炒各一兩

芫花

醋炒五錢

醋糊為丸梧子大每十丸至二十九丸空心

溫酒下

三因大烏頭桂枝湯

治風寒疝氣腹中刺痛手足不仁

身體拘急不得轉側或致陰縮

大烏頭

五枚去皮尖蜜煎過洗切

桂心

白芍

各三錢

甘草

一錢

每服四錢羌棗煎服

局方奪命丹 遠年近日小腸疝氣偏墜搐痛臍下撮痛

悶亂外腎腫硬日漸滋長陰間濕痒搔成瘡

吳茱萸

淨一斤四兩用酒醋湯童便各浸一宿焙乾

澤瀉二兩

酒糊為丸梧子大每五十九丸空心鹽湯下

葫蘆巴丸 小腸氣蟠腸氣奔豚疝氣偏墜陰腫小腹有

形如卵上下來去痛不可忍或絞結繞臍攻刺嘔吐者

葫蘆巴

炒一斤

巴戟

炒六兩

川練子

炒一斤二兩

川烏

炮去皮六兩

茴香

炒二兩

吳茱萸

湯洗七次十兩

酒糊為丸梧子大每二十九丸空心酒下

戴人禹功散

黑丑頭末 四兩 茴香炒一兩 爲末以生羌自然汁調一二

錢臨睡服或加白朮一兩

茴香練實丸 治陰疝痛不可忍及小腸氣痛

川練子炒 茴香炒 青皮 陳皮 芫花醋炒

山茱萸 食茱萸 吳茱萸 馬閨花各等分

醋糊丸 梧子大温酒下三十丸

天台烏藥散 治小腸疝氣牽引臍腹疼痛

烏藥 木香 茴香炒 青皮 良羌炒各五錢 檳榔二枚

川練子十枚 巴豆七十粒 右先以巴豆微打碎同川練

麩皮炒黑去巴豆麩皮不用外餘藥同爲末每用一

錢酒調下甚者羌湯下亦可

濟生葵子湯 膀胱實熱腹脹小便不通口舌乾燥

赤茯苓 猪苓 葵子 枳實 瞿麥

車前子 木通 黃芩 滑石 甘草等分

每五錢入羗煎空心服

局方蟠葱散 治寒疝氣疝衝心疼痛

玄胡索 蒼朮 甘草各半斤 茯苓 蓬朮 三稜

青皮各六兩 丁皮 砂仁 檳榔各四兩 桂 乾羗各二兩

每服二錢入連鬚葱一莖水煎食前服

金櫃當歸生羗羊肉湯 寒疝腹中痛及脇痛裏急

當歸三兩 生羗五兩 羊肉一斤

水八升煮二升温服七合日三服如寒多加生羗嘔

者加陳皮二兩白朮一兩

蜘蛛散 治陰狐疝氣偏有大小時時上下

蜘蛛

十四枚熬

肉桂

五錢一云五分

為末取八分米飲調服或蜜丸服亦可

王海藏凡用以黑大者去頭足研如膏入藥中乃効炒黑不妙

東垣丁香練實丸 男子七疝痛不可忍婦人瘕聚帶下

皆任脈所主陰經也乃腎肝受病故治法同

當歸

附子 炮

川練子

茴香

炒各二兩

好酒三升同煮盡為度焙乾作細末每一兩入丁香

木香玄胡末各五錢全蝎十三枚後四味末入在前

藥末內和勻酒糊丸梧子大每二十九加至百丸

心温酒下

熨法 鹽半斤炒極熱以舊綿包熨臍腹痛處

又方 葱白研碎一握置臍中上用熨斗熨之或以艾於

上灸之尤妙

海藻漬堅丸 治木腎如斗結硬如石

海藻 昆布 川練肉 吳茱萸 湯泡各一兩 木香

青皮 小茴 荔枝核 炒 玄胡索 炒 肉桂 各五錢

海帶 橘核 炒 桃仁 麩炒去皮 木通 七錢

酒糊為丸梧子大每六十九丸空心鹽酒任下

癩疝大如升斗者是也惟大不痛丹溪謂非痛斷房事厚

味不可用藥惟促其壽若蒼朮神麩白芷半夏山查枳

實皆要藥人視其為淺鄙以啟慢心又不能斷慾以愛護其根者非徒無益而又破其害者多矣且其藥宜隨時令寒溫更按君臣佐使加減大抵癩屬濕多

蒼朮 神麴 白芷散 山查

川芎 枳實 南星 半夏

神麴糊為丸有熱加山梔一兩堅硬加朴硝五錢秋

冬加吳茱萸二錢半

又方 治癩疔

南星 山查 蒼朮各二兩 白芷 半夏 枳核

神麴各一兩 海藻 昆布各五錢 玄明粉 吳茱萸各二錢

酒糊丸

治木腎不痛方

南星

半夏

黃柏

酒洗

蒼朮

炒

枳實

山查

白芷

神麩

炒

滑石

炒

吳茱萸

昆布

酒糊丸空心鹽湯下一方加枸杞子

治偏墜初生

川山甲

茴香

為末酒送下乾物壓之

潔古海蛤丸

治癩疔從小便中利出惡物

海蛤

醋淬三次

海金沙

臙粉

礪砂

川歸

各一錢

海藻

粉霜

各五分

水蛭

廿一條炒

青黛

滑石

乳香

各一錢

硃砂

二錢

地龍

二十一條

水洗去泥

條鹽

右用鹽煮麵糊為丸小豆大硃砂為衣每十丸燈心

湯空心服之小便下冷膿惡物乃効却以黃連紫河

車板藍根各一錢煎湯漱口以固牙一方去板藍根

加貫眾

玉海藏地黃膏子 男子婦人臍下奔豚氣塊小腹疼痛

陰腫控睪而痛上衝心腹不可忍者

血竭 沉香 木香 人參 廣茂炮 玄胡索

蛤蚧 川歸 川芎 續斷 白朮 川練子炒

全蝎 茴香炒 柴胡 沒藥 吳茱萸

已上分兩隨症加減用之 氣多者加青皮血多者

加肉桂 為末地黃膏子為丸梧子大空心溫酒下

二十九日加一丸至三十丸

本事方念珠丸 膀胱疝氣外腎腫痛不可忍昔有人貨

此藥治疝如神一日貨數千丸一國醫多與金而得之
用果良驗

乳香

硃砂

飛各三錢爲末

黃臘

兩

融化分作一百單八丸

以線穿之露一宿次日用蛤粉爲衣旋取用乳香湯
送下

丹溪治鄭子敬酒後飲水及水菓腎偏大時作蛙聲或作
痛炒枳實一兩鹽炒茴香炒梔子各三錢研煎湯送下
保和丸 又一人膀胱氣下墜如蛙聲臭橘核炒十枚
桃仁二十枚蘿卜汁下保和丸七十丸

一人年三十左腎核腫痛此飲食中濕墜下成熱以臭橘
核五枚桃仁七枚細研順流水一盞煎沸湯熱下保和

丸

丹溪治木腎以水晶蒲桃葉

野紫蘇葉

蒼耳葉濃煎

湯薰洗

一方治水癩偏大上下不定疼痛不止

牡礪不拘多少鹽泥固濟炭三斤煨令火盡冷取出二

兩加乾羌一兩焙為細末二味和勻以冷水調塗病處

小便大利而愈

又方

玄胡索

鹽炒

全蝎

為末每一錢溫酒調下

雄礬散

治陰腫大如斗核痛

雄黃

一兩

白礬

二兩

甘草

五錢

水煎先薰後洗効

治偏墜

一人核腫痛甚二子不分大如升徧醫不効以

此治除根松江甚神此方

牡丹皮

二兩

蒼朮

米泔浸三日鹽水拌炒六錢

荔枝核

炒一兩

山查

一兩半

橋核

炒七錢

山梔仁

去皮以吳茱萸黃湯炒三兩

神麩糊丸 梧子大空心白湯下五十丸

解錡丸 治小腸氣及膀胱氣橫絃豎絃木腎偏墜下部

諸疝氣痛

木鱉子

二兩淨去油用木通二兩切碎同炒焦黑色去木通

茴香

二兩用班貓二枚去頭翅

足同炒

香

黑丑

二兩

用蘿卜子

二兩

畧研

半夏

二兩用薜荔二

兩向陽者

剉碎

同

補骨脂

二兩

用猪苓

二兩

剉碎

同炒去猪苓

酒糊丸 梧子大空心服三十丸炒羌鹽燈心酒下下

午後臨睡各一服

五妙丸 治一切下部氣速効如神

黑丑

補骨脂

川練肉

各一兩用
地龍一兩
同三件炒去地龍

半夏

一兩用猪苓一兩
同炒去猪苓不用

茴香

一兩用斑貓十四枚
同炒去斑貓不用

丁香

二分用土狗十枚
同炒去土狗

玄胡索

炒一兩

酒糊丸 梧子大每服十丸加至十五丸空心鹽酒送

下

乳羌湯

治寒疝氣上衝中脘築痛

乳香末

二錢

生羌白然汁

二錢

水一大盞同煎三五沸通口服一服効

香朮丸

寒濕成疝腎腫疼痛

蒼朮

半斤米泔水浸一宿晒乾用生羌半斤
葱白四兩搗炒蒼朮乾去葱羌不用

茴香

半斤用生薑汁四兩浸一二宿後用鹽炒乾

吳茱萸

湯炮炒四兩

右末搗葱白成膏爲丸梧子大每五十丸空心溫酒

或鹽湯下

又方 治諸疝痛及心痛臨發時服

海石 香附 爲末薑汁調下

一人患疝因服熱藥多以致小便不通後用五苓散分三帖每加連鬚葱一根射香少許鹽五分煎服連進三服其夜下黑汁二升臍下遂寬續用硃砂丸數日全愈